

ӘЛ-ФАРАБИ атындағы ҚАЗАҚ ҰЛТТЫҚ УНИВЕРСИТЕТИ
ФИЛОЛОГИЯ, ӘДЕБИЕТТАНУ ЖӘНЕ ӘЛЕМ ТІЛДЕРІ ФАКУЛЬТЕТИ
КАЗАХСКИЙ НАЦИОНАЛЬНЫЙ УНИВЕРСИТЕТ имени АЛЬ-ФАРАБИ
ФАКУЛЬТЕТ ФИЛОЛОГИИ, ЛИТЕРАТУРОВЕДЕНИЯ И МИРОВЫХ ЯЗЫКОВ

Аса көрнекті әдебиетші ғалым,
филология ғылымдарының докторы профессор
Бейсембай Қенжебаевтың 110 жылдығына арналған
«Б. ҚЕНЖЕБАЕВ ЖӘНЕ ҚАЗАҚ ӘДЕБИЕТІ ТАРИХЫН ЗЕРТТЕУДІҢ
ҒЫЛЫМИ-ӘДІСНАМАЛЫҚ МӘСЕЛЕЛЕРІ» атты
Халықаралық ғылыми-практикалық конференция
МАТЕРИАЛДАРЫ

30 қазан, 2014 жыл

МАТЕРИАЛЫ

Международной научно-теоретической конференции
«Б. ҚЕНЖЕБАЕВ И НАУЧНО-МЕТОДОЛОГИЧЕСКИЕ ПРОБЛЕМЫ
ИССЛЕДОВАНИЯ ИСТОРИИ ҚАЗАХСКОЙ ЛИТЕРАТУРЫ»,
посвященной 110-летию известного ученого, доктора филологических
наук, профессора Б. Кенжебаева

30 октября 2014 года

Алматы
«Қазақ университеті»
2014

Ж. ДӘДЕБАЕВ,

филология ғылымдарының докторы,
профессор, әл-Фараби атындағы Қазак ұлттық
университеті жанындағы Абай ғылыми-зерттеу
институтының директоры

БЕЙСЕМБАЙ КЕНЖЕБАЙҰЛЫ **(1904-1987)**

Казак әдебиеттану ғылымының алып тұлғаларының бірі профессор Бейсембай Кенжебайұлының ғылыми және үстаздық өмірі – маңызды да мәнді, үлгісі мен өнегесі мол өмір. Бейсекеңнің қазак әдебиетінің тарихын зерттеу мен зерделеу жұмыстарын жүргізу, ұйымдастыру, басқару саласындағы жетістіктерінің әлеуметтік маңызы мен мәні өлшеусіз зор. Қазак әдебиетінің тарихын XYIII ғасырдан YIII ғасырга дейін терендеп, он ғасырга байыту профессор Бейсембай Кенжебаевтың қайтпас қайсар табигаты, халықтың рухани асыл құндылықтарына деген ерекше құрметі мен сүйіспеншілігі, ғылыми ойлаудағы даралығы мен даналығы нәтижесінде қол жеткен жетістік еді.

Профессор Бейсембай Кенжебайұлы қазак әдебиетінің тарихын он ғасырга терендеп, он ғасырга байытты деген пікір біреулер үшін орынды, біреулер үшін артық айттылғандай болуы ғажап емес. Тұрмыстық ойлау жүйесі тұрғысынан қарағанда, бір адамның бүкіл бір ұлттың әдебиетін он ғасырга байытуы мүмкін еместей көрінетінін де жоққа шығаруға болмайды. Соған қарамастан, профессор Бейсембай Кенжебайұлы қазак әдебиетінің тарихын он жылға терендеп, он жылға байытты деп қайталап айтудан тартына алмаймын. Шынын айтқанда, менің он жыл деп отырғаным дәл болмауы мүмкін, одан әлдекайда көп болуы да ғажап емес. Олай болатын себебі бар. Бейсекең қазак әдебиетінің тарихы бойынша бірнеше талантты жастарды тәрбиелеп, ғылым жолына салды. Әрқайсының алдына нақты ғылыми міндет қойып, олардың іргелі зерттеулер жүргізуіне жетекшілік жасады. Хандық дәуір әдебиеті, Алтын орда дәуірінің әдебиеті, түркі хандығы дәуірінің әдебиеті тарихы бойынша бірнеше шәкірттері катар, енді бір шәкірттері бірінен соң бірі шығып, кандидаттық, докторлық диссертациялар қорғады, монографиялық зерттеулер жазды. Осы бағытта тиянақты, мақсатты түрде жүргізілген ғылыми зерттеулер нәтижесінде қазак әдебиетінің тарихы XYIII ғасырдан YIII ғасырга дейін терендеді.

Қазак әдебиеті тарихының XYIII ғасырдан YIII ғасырга дейінгі тереніне бойлау айтуға жеңіл болғанмен, іс жүзінде үлкен қындықтармен жүзеге асты. Түрлі елдердің кітапханаларын, архивтерін, қолжазба қорларын параптап қараган ізденистер, ғылыми зерттеулер жүргізуіне жетекшілік жасады. Хандық дәуір әдебиеті, Алтын орда дәуірінің әдебиеті, түркі хандығы дәуірінің әдебиеті тарихы бойынша бірнеше шәкірттері катар, енді бір шәкірттері бірінен соң бірі шығып, қандидаттық, докторлық диссертациялар қорғады, монографиялық зерттеулер жазды. Осы бағытта тиянақты, мақсатты түрде жүргізілген ғылыми зерттеулер нәтижесінде қазак әдебиетінің тарихы XYIII ғасырдан YIII ғасырга дейін терендеді.

Ғалым қазак әдебиеті тарихын он жылға терендептү барысында қол жеткен ғылыми нәтижелерді диссертация, монография қүйінде қалдырмай, оларды қалың елдің пайдасына, игілігіне асыру жолында да қажырлы еңбек етті. Бейсекең ғылыми-зерттеу нәтижелері халықтың пайдасына аспайтын болса, елдің игілігіне пайдаланылмайтын болса, онда ондай ғылымды да, ондай ғылымның нәтижесін де, ондай ғылым саласындағы ғалымдарды да мойындаады. Өзі жетекшілік жасаған ғылыми бағыт бойынша жүргізілген зерттеу нәтижелерінің ғылыми және практикалық маңызы мен мәнін өзі тікелей бақылап, қадағалап отырды. Сондықтан бұл саладағы әр ғылыми нәтиженің ғылымдағы жаңа білім болуына, ғылымдағы жаңалық болуына ерекше көңіл бөлді. Осындағы талаптарға сай жүргізілген зерттеу нәтижелерінің сапалылығына көз жеткізген соң, ғалым оларды университеттің оқу үдерісіне енгізді: жаңа оқу пәндері мен арнаулы курстар оқу жоспарына енгізілді, олардың оқу бағдарламалары, лекциялары дайындалып, оқулықтары, оқу құралдары жазылды. Біртебірте ол пәндерді еліміздің жоғары оу орындарының бәрінде оқытуға қол жетті. Көп ұзамай орта мектептің оқу бағдарламаларына да тиісті өзгерістер енгізілді. Бейсекең қазак әдебиетінің тарихын он ғасырга терендеп, он ғасырга байытканда, осылай терендеп, осылай байытты. Бейсекең тәрбиелеп өсірген ғалым-үстаздардың алдынан шыққан ғалымдар қазак әдебиетінің тарихын одан да әрі терен зерттеуге барды, сак, скиф дәуірінің әдеби ескерткіштері және олардың қазак әдеби танымына катысы туралы қагидалар негізделді.

Бейсекең бізге «XX ғасырдың басындағы қазақ әдебиеті» пәнінен сабак берді. Сұлтанмахмұт Торайғыров шығармашылығы бойынша арнаулы курс оқыды. Ағартушы ақындар, ағартушы демократ ақын-жазушылар туралы, олардың өмірі мен шығармашылығы туралы білім алдық. Сыртқы түрттүсі, қымыл-қозғалысы жинақы, лекция оқығандағы үні де бір қалыпты. Шашын қысқа алдырған. Костюмінің түймесі үнемі түймеленулі. Студенттер арасынан Бейсекенің Мәскеуде Мағжан Жұмабаевтан оқығаны жайында айтушылар, өзіміз оқып жүрген университеттің филология факультетін бітіргені, қазақ әдебиеті кафедрасында М.О. Әуезовпен бірге қызмет еткені, М.О. Әуезов ұстаздық еткен кафедрада отыз жыл бойы менгеруші болып келе жатқаны туралы мәлімет беретіндер бар. Ол тұста Мағжан Жұмабаевтың атын атауға болмайтын. Соған қарамастан, Бейсекенің Мағжаннан сабак алғанына, дәріс тындағанына ертегідегі бір ерен істей қараймыз. Бірте-бірте Бейсекене қатысты қандай ірі істер де біз үшін әдеттегідей, солай болуға тиісті секілді болып көріне бастады. Аудиторияда, аудиториядан тыс жерлердегі әңгіме арасында небір маңызды ойлар айтылады. Бейсекенің жас кезінде ағарту министрі болғанын айтушылар да табылды. Бәрі де рас екен. Кейін білсек, Бейсекен ағарту министрі болғанда, Алматыда емес, Ташкентте болыпты. Бала кезінде. Фани Мұратбаев Бейсекен бастаған бір топ жетім балаларды Ташкенттегі мектеп-интернатқа орналастырады. Мектеп-интернаттың оқушылар денгейіндегі басқару құрылымы үкімет құрылымымен бірдей екен. Мектеп-интернаттың Министрлер кеңесінің құрамында Бейсекен ағарту министрі болыпты. Біз бұған да әдеттегідей қарадық. Өйткені бұл тұста Бейсекенің қандай министрден де абырайлы, құрметті, ардакты адам екені туралы ұғымымыз қалыптасып қалған еді.

Пәнді оқу барысында XX ғасырдың басындағы қазақ ақын-жазушыларының өмірі мен шығармашылығы айналасында кезінде қарама-қарсы пікірлердің қатты қайшыласқанынан хабардар болдық. Бейсекенің XX ғасыр басындағы ақын-жазушылардың өмірі мен шығармашылығының әр сәтін, әр қырын бір талдаң таңдаң, талғап алғанын, қарама-қарсы пікірлердің қайшыласқан өрісінен аман-есен алыш шыққанын, сөйтіп елдің игілігіне айналдырғанын білдік.

Сұлтанмахмұт Торайғыров шығармашылығы туралы арнаулы курстан да ойымызға ой қосып шықтық. Мектепте Сұлтанмахмұттың өмірі мен шығармашылығы туралы Шайбек Шоңов деген ағайымыздың сабагынан алған әсерім әлі күнге дейін көңілімде. Өзі КазГУді бітірген, М.О. Әуезовтен де, Бейсекеннен де сабак алған. Сол ағайымыз Сұлтанмахмұттың өмірімен, заманымен, халық өмірінің жағдайымен сабактастырып, ақынның он тоғыз жасында:

Караңғы қазақ көгіне
Өрмелеп шығып, күн болам.
Караңғылықтың кегіне
Күн болмаганда, кім болам!?

деген өлең жолдарын барынша толғанып, ақын жаңының шыны мен сырына өз жаңының шыны мен сырын қосқандай болып тебіреніп айтқанда, тебіреніп талдағанда, өзімің қатты әсерленгенім, ақынның ойының абзалдығына, арманының асылдығына көңілім тольып, сондай разы болғаным есімде. Бейсекенің арнаулы курсын тыңдаپ отырғанда, Сұлтанмахмұт Торайғировтың шығармашылық өмірі туралы мектептегі мұғалімімнің сабағын есіме алдым. Бейсекенің арнаулы курсы арқылы Сұлтанмахмұттың өзінің ғана емес, әр сөзінің, әр ойының өмір-тарихынан мәлімет алдық. Уақыттың қылт еткенді қалт жібермейтін қарауылдары ақынның атынан да дүшпандық ізін көріпти, тіпті ақынның менің есімде мектеп қабырғасында жүргенде жатталып қалған «қараңғы қазақ көгі», «қараңғы қазақ көгіне өрмелеп шығып күн болу» секілді сөздерінің өзінен «ұлтшылдық» іздегендер болыпты. Ақынның ұлтына деген ұлы құрметі мен сүйіспеншілігінен «ұлтшылдық» іздегендер Бейсекенде де аямапты. Бейсекенің алдынан сабак алыш жүріп, ол кісінің өмірінің осындағы көзендерінің біраз шындығына қанықтық.

Бейсекенің лекциялары артық эмоциясыз, бір қалыпты болғанмен, талдаулары нақты, пайымдаулары терен, тұжырымдары негізді еді. Бөтен біреулер теріс жорып, тіріс түсініп қалатындағы дерексіз ойлар айтпайтын. Әр ойын, әр тұжырымын, әр пікірін студенттеріне анық, айқын жеткізетін. Алайда олардың мәнін, жүйесін түсінүшін, Бейсекенің өзінің қалыбына түсіп, ақылдың дегенінен көз жазбай, үн-тұнсіз, алансыз ықылас қойып тыңдау керек болатын. Ал семинар сабактарында ұстаз студенттердің өздігінше жасаған жұмыстарының мазмұнына ерекше мән берді. Бейсекенің қадағалуымен студенттердің лекциядан, оқулықтан, қосымша әдебиеттерден алған білім мазмұны семинар тақырыптары бойынша өздігінше орындаған жұмыстары, алған тәжірибесі арқылы жаңа сапаға ие болатын, білім алушылардың ақыл-ойының, болмыс-бітімінің өшпейтін, сөнбейтін жарығына, айрықша рухани байлығына айналатын.

Бейсекең пенсияга шыққаннан кейін де кафедрамен байланысын үзген жоқ. Біз де барып, хал-жағдайын біліп, сәлем беріп тұрдық. Бейсекенің қас-қабағына қарап, баладай бағып-қағып отырған

Құлбек пен Баянның дастарханының басында Бейсекенің кесесіне қол жалғап, бірге отырдық, дәмдес болдық. Әңгіме айта қалса, Құлбектің қаламы мен қағазы дайын, жазып отырады. Ағамыздың сөзін біз де үлкен ыждағатпен тыңдаймыз. Бірақ бірнәрсе жайлы сұрап, мазаламаймыз. Шаршатып аламыз ба деп тартынамыз. Құлбек сөздің орайына қарай Бейсекенің сөйлетіп алғысы келіп отырады, Бейсекенің әр сөзін алтынға балайды. Оңашада Бейсекенің осы сөздерінің ізімен кейін роман-эссе жазбақ ойы барын айтады. Біз макұлдаймыз.

Бейсекенің кітапханасы бай еді. Іздегендегі таптырмайтын небір кітаптары болды. Соларды көріп, сүйсінсем, Құлбек Бейсекенің кітапханасының бүрынғы байлығы жайында әңгімелейді. XX ғасырдың елуінші жылдарының басында Бейсекен күтін көріп, жұмыстан босап қалған жылдары күнкөріс үшін кітапханасындағы сирек кездесетін құнды кітаптарының бірталайын сатуға мәжбүр болған екен. Құлбектің әңгімесінен кейін, ішім үдай ашыды: ел кітапханаларынан іздең таба алмай жүрген бірнеше кітабым бар еді, әлгі сатылған кітаптардың ішінде солар да кеткендей сезіндім.

Құлбек Бейсекенің кітаптарына көзінің қараышыныңда қарады. Ешкімге бермеді. Бейсекенің кітапханасының есігін көбіне жабық ұстады. Соған қарамастан, Бейсекенің бір кітабын бірер күнге сұрадым. Құлбек екеуміз университетте бірге оқығанбыз, Бейсекенің лекцияларын бірге тыңдағанбыз, ол Бейсекенің көнжесі баласында, мен ертерек еншісін алғып, белек үй болып кеткен үлкен баласы сияқтымын. Бейсекене бірдене жайында бір ауыз сөз айттар болсам, алдымен мұныма Құлбек қалай қарап екен деп ойланып аламын. Құлбек бір сөзге келмей, сұраған кітабымды қолыма ұстартты. Көңілім толып, мәз болдым. Ол кітап Шоқан Уәлихановтың 1904 жылы Н.И. Веселовскийдің редакциясымен «Орыс географиялық қоғамының этнография бөлімшесі бойынша жазбаларының» арнайы томы (XXIX том) түрінде шықкан «Ш.Ш. Уәлихановтың шығармалары» [1] еді. Кітаптан менің көзімे ыстық корінген Едіге туралы материалдар болды. Бүрын сирек кездесетін кітаптар корынан Едігенің биліктегі туралы үзінді түрінде жазып алған мәліметтерімді осы кітаптан толық алдым.

Едігенің биліктегі туралы мәліметтерді біршама толық алғаныма қуанып тұрғанда, Құлбек Бейсекенің қылдары «Едіге батыр» жырын қалай қорғаганы туралы әңгімеледі. Халық үшін жат санағын қалған жыр жайында Бейсекенің XX ғасырдың отызыншы жылдарының аяғынан қырқыншы жылға дейін бірнеше мақала жазғанын, ол мақалаларында «Едіге батырды» халықтық тұрғыдан бағалағанын, оған қорған болғанын Құлбектің әңгімесінен білдім.

Едігенің билігі, Едіге мен Тоқтамыстың арасы туралы Бейсекенің кітапханасынан алған сол мәліметтерді кандидаттық диссертациямда да, докторлық диссертациямда да пайдаландым. Кейін билер дәүірінің әдебиеті туралы зерттеулерімде де пайдаласы тиңді. Бүгінде осы жайларды есімеге алғып, іштей: «Жақсыдан – шарапат», – деген осы екен-ау деп ойга қаламын. Қолымдағы түрлі дерек көздері, мәліметтер негізінде Бейсекен қорғаган, Бейсекен қолдаған Едігенің ғылыми өмірбаянын жазу туралы ойдаймын...

Бейсембай Кенжебайұлы өзінің азаматтық болмысының асылдығымен, өмірлік ұстанымдарының беріктігімен, ғылыми-шығармашылық, ұстаздық еңбегінің ізгілігімен қазақ әдебиеттанушыларының бірнеше буын өкілдеріне өшпейтін үлгі-өнеге, тәлім-тәрбие берді.

Қазақ әдебиеттану ғылымында Бейсембай Кенжебайұлы негізін қалаған ғылыми бағыт, Бейсембай Кенжебайұлы қалыптастырған ғылыми мектеп қазақ халқының қоғамдық санаасының жаңааруына, ұлттық құндылықтарының дамуына, интеллектуалдық әлеуетінің артуына аса зор ықпал етті. Галым туралы, галымның ғылыми мектебі туралы айтылып жүрген пікірлердің артық-кемі болатыны рас. Бірақ Бейсембай Кенжебайұлының ғылымы, ғылыми мектебі туралы біздің айтып отырған пікірімізде артық ештеңе жоқ. Галымның өзі негізін қалаған ғылыми бағытымен, қалыптастырған ғылыми мектебімен халықтың қоғамдық санаасының жаңааруына, ұлттық құндылықтарының дамуына, интеллектуалдық әлеуетінің артуына аса зор ықпал етуі екінің бірі емес, ілуде бір ғұламаның ғана қолынан келеді. Бейсембай Кенжебайұлы – қазақ әдебиеттану ғылымының тарихындағы ілуде бір кездесетін ірі тұлға.

Алла ракым етсін Бейсембай Кенжебайұлының рухына.

Әдебиет

- Сочинения Ч.Ч. Валиханова / Изданы под редакцию д.ч. Н.И. Веселовского // Записки Императорского Русского Географического Общества по отделению этнографии. Том XXIX. – С.-Петербург, 1904.